



MARKAÐURINN

Sögummar... tölummar... fólkið...

Miðvikudagur 7. janúar 2009 – 1. tölublað

Veffang: visir.is – Sími: 512 5000 **visir**

Kauphöllin
Ný hlutabréfavísitala
á nýju ári



Utanríkisviðskipti
Mest verslað í
Bandaríkjadöllum



Helgi Magnússon
Aldrei það
kemur til baka



Hillir undir lok lánamála

„Við vonumst til þess að niðurstaða fáist í málið í þessum mánuði,“ segir Finnur Sveinbjörnsson, bankastjóri Kaupþings.



FINNUR SVEINBJÖRNSSON

Fram hefur komið að nokkrir tugir starfsmanna gamla Kaupþings, og félag á þeirra vegum, fengu ríflega fimmtíu milljarða króna að láni í bankanum til að kaupa í honum hlutabréf. Þau urðu verðlaus þegar bankinn féll.

Stjórn gamla Kaupþings samþykkti í lok september að aflétta persónulegum ábyrgðum af starfsmönnum vegna hlutabréfakaupanna. Standi það, teljast hlutabréfaláni til skattskyldra tekna.

Starfsmennirnir hafa hins vegar óskað eftir því við stjórn nýja Kaupþings að láni verði innheimt í samræmi við almennar reglur bankans.

- ikh

Dregur úr verðbólgu

Verðbólga mældist 1,6 prósent á evrusvæðinu í desember, samkvæmt útreikningum Eurostat, hagstofu Evrópusambandsins. Þetta er talsvert umfram vonir.

Kólnun hagkerfisins, minni eftirspurn á neytendamarkaði og lækkingu olíuverðs skýrir lækkinguna að mestu, að sögn Bloomberg-fréttaveitunnar.

Jean-Claude Trichet, seðlabankastjóri evrópska seðlabankans, ætti að gleðjast við fréttirnar en verðbólga hefur ekki verið minni í rúm tvö ár og komin undir markmið bankans.

- jab

HELST Í ÚTLÖNDUM

Kreppir að | Seðlabanki Danmerkur, Nationalbanken, spár því að allt að 200.000 Danir gætu misst vinnuna á næstu tveimur árum. Bankinn segir að fari allt á versta veg verði kreppan í landinu í ár sú versta frá lokum seinni heimsstyrjaldarinnar.

Ódýrara húsnæði | Verð á húsnæði í Bretlandi lækkaði að meðaltali um 15,9 prósent á nýliðnu ári, samkvæmt upplýsingum breska fasteignalánaveitandans Nationwide.

Björgunaraðgerð | Derek Lovelock, forstjóri Mosaic Fashion, hefur átt viðræður við bæði fjárfestingarfélagið Alchemy og breska auðjófurinn Sir Philip Green um sölu á hlut í verslana-keðjunni Mosaic Fashion til að bæta úr lausafjáranda félagsins.



Gas, gas | Heimsmarkaðsverð á hráolíu hefur hækkað um 40 prósent frá aðfangadegi, eða um það leyti sem Rússar skráfuðu fyrir gasleiðslur til Úkraínu. Nú er búið að skrífa fyrir gas á landmærum Rúmeníu og það þýðir að það er orðinn gasskortur í Búlgaríu, Grikklandi, Tyrklandi og Makedóníu.

Háar kröfur | Gjaldprot Sterling flugfélagsins í Danmörku stefnir í að verða eitt það stærsta í Danmörku á síðustu árum. Kröfur í þrotabúið nema nú 870 milljónum danskra króna, hátt í 20 milljörðum íslenskra króna. Talið er að verðmæti eigna í þrotabúinu upp í kröfur nemi um 97 milljónum danskra króna.

Ekkert eins og áður var

Smærri sparisjóðir velta fyrir sér samrunamöguleikum og eru með óformlegar þreifingar. Ár samruna að hefjast. Viðræður Sparisjóðsins í Keflavík, Byrs og SPRON eru sagðar á áætlun.

Óli Kristján Ármannsson
skrifar

„Það verður ekkert eins og var áður,“ segir Jóhann Antonsson, stjórnarformaður Sparisjóðs Svarfdæla á Dalvík, og vísar þar til breytts rekstrarumhverfis fjármálafrirtækja.

Smærri sparisjóðir eiga sumir hverjir í óformlegum þreifingum um samruna eða samstarf, en Jóhann telur þó lítinn fót fyrir fréttum af stofnun nýrrar norðlenskrar peningastofnunar. „Sparisjóðsmenn um allt land velta hins vegar ýmsu fyrir sér í hagræðingarskyni þótt viðræður séu óformlegar,“ segir hann. „Allir leita hins vegar að hagkvæmstu leiðum. Það eina sem maður getur verið viss um er að ekkert verður eins og var áður. Ýmislegt þarf að breytast.“

Geirmundur Kristinsson, sparisjóðsstjóri Sparisjóðsins í Keflavík, telur sömuleiðis að við sparisjóðum landsins blasi gjörbreyttar aðstæður sem bregðast verði við. „Ég horfi fram á að á árinu verði samþjöppun meðal sparisjóða,“ segir hann.

Þorvaldur Lúðvík Sigurjónsson, forstjóri Saga Capital, kveður „úr lausu lofti gripnar“ þreifingararnar um norðlensku peningastofnunina sem vísað var til í kvöldfréttum Útvarps í vikunni. Banki hans

átti þar að verða stærsti eigandi. „Menn eru sjálf-sagt að hittast hér og hvar í kaffi og kleinum, en við höfum ekki komið nálægt neinum viðræðum á þessum nóttum.“ Við sameininguna voru orðaðir Sparisjóður Svarfdæla, Sparisjóður Ólafsfjarðar, Sparisjóður Siglufjarðar, Sparisjóður Skagafjarðar og Sparisjóður Höfðhverfinga á Grenivík, með mögulegri aðkomu KEA og Kaupfélags Skagfirðinga.

Saga Capital og VBS fjárfestingarbanki áttu í haust í viðræðum um mögulega sameiningu en þeim var slegið á frest í októberbyrjun vegna mikillar óvissu á fjármálamörkuðum. Þá hafði í fyrra verið samið um aðkomu KEA að Sparisjóði Höfðhverfinga, en fallið var frá þeim ráðahag eftir að hann hafði um allnokkurt skeið verið til umfjöllunar hjá Fjármálaeftirlitinu. Þá hafði KEA einnig átt í viðræðum við Sparisjóð Svarfdæla um aðkomu að sjóðnum, en þeim hefur, samkvæmt heimildum blaðsins verið hætt, í minnsta kosti að sinni.

Samrunaviðræður Sparisjóðsins í Keflavík, Byrs sparisjóðs og SPRON munu vera á áætlun og ennþá er að því stefnt að boða stofnfjáreigendur og hluthafa til fundar í febrúar þar sem fjallað verði um samruna sjóðanna. Formlegar sameiningarviðræður hófust í desemberbyrjun, en verði af sameiningunni miðar hún nýliðin áramót.

Hagþróunin ekkert efnahagsundur

Hagvöxtur á Íslandi var mun meiri á sjöunda og átunda áratugnum en á hinu svokallaða frjálshyggjutímabili sem hófst 1995. Það er því afar villandi að kenna hagþróun síðustu ára við efnahagsundur, að því er Stefán Ólafsson félagsfræðiprófessor segir í nýrri grein í tímaritinu Stjórnarmál og stjórnsýsla.

Í greininni er greint frá rannsókn á þróun hagvaxtar og kaupmáttar á lýðveldistímanum á Íslandi. Viðfangsefnið er skoðað í samhengi við nýlegar fullyrðingar um „íslenska efnahagsundrið“, það er þá hugmynd að hagsæld og kaupmáttur hafi aukist meira eftir árið 1995 en á fyrri áratugum lýðveldisins.

Stefán segir að bæði þjóðarframléiðsla og kaupmáttur almennings hafi aukist langmest á tímabilinu frá 1960 til um 1980. Hið eiginlega íslenska efnahagsundur hafi átt sér stað á þessum tíma.

„Góðæri fyrri áratuganna einkenndust af almennri og jafnri aukningu kaupmáttar meðal almennings, en góðærið eftir 1995 einkenndist af sívaxandi ójöfnuði, sem fól í sér að hátekjufólk og stóreignafólk naut hagvaxtarins í meiri mæli en þeir sem lægri tekjur höfðu,“ segir í grein Stefáns. Þar kemur enn fremur fram, að góðærið eftir árið 2003 hafi mikla sérstöðu á lýðveldistímanum, vegna þess að það hafi öðru fremur byggt á gríðarlegri skuldafélfun erlendis.

Frjálshyggjuvæðingin náði hámarki með einkavæðingu bankanna, segir Stefán sem segir nýja eigendur bankanna hafa þeim á ótæpilegan hátt í fjárfestingastarfsemi. Í kjölfarið hafi fylgt dæmigerð ofþensla og eignaverðsbóla, með skuldafélfun sem nú hafi leitt til fjármálahruns.

- bh

BVLGARI

ROBERTO CAVALLI

RAY-BAN

J.LINDBERG

BRUNO MAGLI

RALPH LAUREN

PRADA

TOM FORD

JUST CAVALLI

ROBERTO CAVALLI

CHANEL

CULTER AND GROSS

BELLINGER

TOM FORD

DONNAKARAN

ROBERT LA ROCHE

RAY-BAN

RALPH LAUREN

CHANEL

BVLGARI

Flott gleraugu – ný sending

Optical Studio

SMÁRALIND • LEIFSSTÖÐ • KEFLAVÍK

GENGISÞRÓUN

	Vika	Frá áramótum
Alfesca	-4,8%	-4,8%
Bakkavör	-8,4%	-8,4%
Eimskipafélagið	-1,6%	-1,6%
Icelandair	0,0%	0,0%
Kaupþing	0,0%	0,0%
Marel	1,2%	1,2%
SPRON	0,0%	0,0%
Straumur	-1,1%	-1,1%
Össur	-2,5%	-2,5%

*Miðað við lokagengi í Kauphöll í gær.
Úrvalsvísitalan OMXI15 355.
Úrvalsvísitalan OMXI6 981,46

Meiri möguleikar með leyfinu

„Varanlegt viðskiptabankaleyfi gerir okkur kleift að auka þjónustu við viðskiptavinum,“ segir Styrmir Þór Bragason, forstjóri MP banka.

Fjármálaeftirlitið veitti bankanum viðskiptabankaleyfi 10. október á nýliðnu ári til áramóta og staðfesti það þegar nýtt ár rann í garð.

Í kjölfarið hefur bankinn samið um aðgang að kerfum Reiknistofu bankanna og fengið úthlutað bankanúmeri og gerst aðili að stórgreiðslukerfi Seðlabankans og jöfnunarkerfi Fjölgreiðslumiðlunar.

Styrmir segir næstu skref felast í auknum netbankalausnum og kortþjónustu, svo fáein dæmi séu tekin. Ekki sé ætlunin að breyta bankanum úr eignastýringarfyrirtæki í hefðbundinn inn- og útlánsbanka. „Við munum fyrst og fremst útvíkka starfsemi okkar gagnvart þeim viðskiptavinum okkar sem vilja ávaxta fjármuni sína,“ segir hann.

STYRMIR ÞÓR BRAGASON Forstjóri MP Banka segir varanlegt viðskiptabankaleyfi gera bankanum kleift að útvíkka starfsemi sína frekar.



SÍ með þriðjung

Seðlabankinn segir að frá því að millibankamarkaður með gjaldreyri var endurvakinn 4. desember hafi dregið mjög úr viðskiptum bankans. Nettósala bankans hafi numið 11,1 milljón evra, um 1,8 milljörðum króna á núverandi gengi.

Hagtölur segja að í öllum desembermánuði hafi Seðlabankinn staðið fyrir um þriðjung af heildarveltu á gjaldreyrismarkaði, sem var 10,5 milljarðar. Í sama mánuði fyrir ári var hlutur Seðlabankans í gjaldreyrsviðskiptum á millibankamarkaði 0,4 prósent, en þá var heildarveltan yfir 380 milljarðar króna.

Kreppir að hjá auðkýfingi

Fjármálakreppan kom illa við skoska auðkýfinginn Sir Tom Hunter á nýliðnu ári.

Hunter, sem gjarnan er kallaður ríkasti maður Skotlands og stefnir að því að gefa einn milljarð punda, jafnvirði 180 milljarða króna, til góðgerðamála á meðan hjarta hans slær, hefur fjárfest nokkuð með Baugi í Bretlandi í gegnum tíðina, svo sem í bresku versluninni House of Fraser og garðvörukeðjunni Wyevale Garden Centres. Þá átti hann helmingshlut í Jötun Holding, sem sat á tveggja prósent hlut í gamla Glitni um tíma.

Samkvæmt útreikningum skoska blaðsins Evening Times í fyrradag nam tap auðkýfingsins 250 milljónum punda, jafnvirði 44,5 milljarða íslenskra króna á núverandi gengi, í fyrra.

Hunter hefur nú þurft að horfa upp á verulega þynningu eignahluta sinna í tveimur garðvörukeðjum auk þess sem fataverslun hans fór í þrot í kringum áramótin. Svipaða sögu er að segja um fleiri eignir.



SIR TOM HUNTER

Hann hefur nú selt villu sína í Suður-Frakklandi og snekkju til að eiga fyrir salti í grautinn og standa við skuldbindingar sínar.

Hunter, sem er 47 ára, er þrött fyrir allt ekki aurlaus en breska dagblaðið Times segir verðmæti eigna hans nema 750 milljónum punda.

Ný vísitala gæti orðið til eftir upprisu Kauphallar

Sex fyrirtæki í nýrri Úrvalsvísitölu endurspegla kreppuna á Íslandi. Betri tíðar á hlutabréfamarkaði má vænta í enda árs 2010, segir forstjóri Kauphallarinnar.

Jón Aðalsteinn Bergsveinsson
skrifar

„Hlutabréfavísitölur endurspegla þróun efnahagslífsins. Þær hreyfast fyrir í hagsveiflum, lækka á undan samdrætti í landsframleiðslu og auknu atvinnuleysi. Vísitölurnar hækka sömuleiðis fyrir,“ segir Þórður Friðjónsson, forstjóri Nasdaq OMX Iceland, sem í daglegu tali nefnist Kauphöll Íslands. Hann reiknar með erfiðu ári á hlutabréfamarkaði. Í lok árs 2010 megi vænta að virkur markaður verði hér á ný.

Kauphöllin hóf að reikna nýja samsetningu á hlutabréfavísitölu í ársbyrjun. Líkt og fram hefur komið endurspeglar vísitalan fjölda fyrirtækja sem skráð eru á aðallista og mest viðskipti eru með. Hún heitir í samræmi við það OMXI6. Þórður segir ekki útilokað að ný vísitala verði sett saman þegar hlutabréfamarkaðurinn tekur við sér á ný. „Það er hugsanlegt ef fyrirtækjum fjölgað mikið,“ segir hann.

Nýja vísitalan var stillt á 1.000 stig við upphafi árs. Engin sérstök ástæða liggur að baki því annað en að sú gamla, OMXI15, var stillt með sama hætti þegar hún var tekin upp fyrir tæpum ellefu árum, eða í upphafi árs 1998. Þrátt fyrir að byrjað sé að reikna nýja vísitölu mun sú eldri verða reiknuð áfram fram í enda júní næstkomandi.

Gamla vísitalan endurspeglar þann fjölda fyrirtækja sem upphaflega voru skráð á aðallista. Félög in voru: Actavis, Alfesca, Burðarás (síðar Eimskip), Flugleiðir (síðar FL Group), HB Grandi, Hampiðjan, Haraldur Böðvarsson, Íslandsbanki (síðar Glitnir), Marel (síðar Marel Food Systems), Samherji, SR-Mjöl, Síldarvinnslan, Þormóður rammi-Sæberg, Útgerðarfélag Akureyringa og Vinnslustöðin. Eins og sést á töflunni standa tvö félög enn eftir í nýju vísitölu af þeim fimmtán sem þar voru í upphafi.

Gamla Úrvalsvísitalan fór hæst í 9.016 stig um miðjan júlí á tíunda ára afmælisárinu 2007. Það jafngildir rétt rúmlega 800 prósentu aukningu á níu ára tímabili. Afar hratt tók að halla undan fæti eftir þetta í samræmi við síharðnandi lausafjárekreppu og hafði hún fallið um þriðjung prósent þegar árið var á enda.



LITLIR SVEINAR LEIKA SÉR Á MARKAÐNUM Jólaveinarnir, Gryla og fylgdarlið skreyttu Kauphöllina yfir jólin. Skrautið var tekið niður í gær.

Mál Baldurs tekið fyrir

Dómsmál Baldurs Guðnasonar, fyrrverandi forstjóra, gegn Eimskipafélaginu verður tekið fyrir í Héraðsdómi Reykjavíkur í dag.

Baldur stefndi félaginu um miðjan september og krefst þess að Eimskip greiði sér 140 milljónir króna vegna margra mánaða eftirstöðva af starfslokasamningi.

Baldur hætti óvænt störfum hjá Eimskip í febrúar í fyrra, löngu fyrir innstæðueigendur.

Um þær mundir munu stjórnendur Eimskipafélagsins hafa fengið veður af slæmri stöðu breska félagsins Innovate sem síðar var afskrifað í heilu lagi.



BALDUR GUÐNASON

Verðmæti Eimskips í Kauphöllinni rýrnaði mikið í kjölfarið. Kauphöllin gerði athugasemdir við afskriftirnar og Fjármálaeftirlitið hóf rannsókn. Það sektaði Eimskipafélagið um 20 milljónir króna vegna brota á upplýsingaskyldu á dögnum.

Baldur Guðnason mun hafa fengið tvo mánuði greidda af tveggja ára uppsagnarfresti.



Belgar stofna Kaupþingssjóð

Ríkisstjórn Belgíu samþykkti í gær að stofna sérstakan tryggingsjóð fyrir innstæðueigendur hjá Kaupþingi í Lúxemborg. Stjórnvöld þar veita 75 til 100 milljónum evra, jafnvirði allt að sautján milljörðum, til sjóðsins.

Haft er eftir Didier Reynders, fjármálaráðherra Belgíu, í þarlandum fjölmiðlum, að um

einstaka ákvörðun sé að ræða þar sem Kaupþingsbankinn sé staðsettur í Lúxemborg en ekki Belgíu. Í framhaldi af þessu er gert ráð fyrir að viðræður um kaup fjárfestingarsjóðs frá Lábýu á Kaupþingi í Lúxemborg hefjist á ný. Þeim var frestað eftir að ríkisstjórn Belgíu féll fyrir áramótin.

Töluverður áhugi á Versacold ytra

„Nú erum við staddir í öðrum fasa sölufelisins og það eru sjö hugsanlegir kaupendur eftir,“ segir Gylfi Sigfússon, forstjóri Eimskips, um söluna á kanadíska félaginu Versacold-Atlas.

Eimskipafélagið hefur átt í nokkrum erfiðleikum og glímt við þungar skuldir.

„Við fáum meira en sem nemur skuldunum við söluna á félaginu og náum því einnig að lækka skuldir móðurfélagsins. Það þýðir ekki að við séum lausir allra mála, en það lagar stöðuna hjá okkur mikið, hverfi helmingur skuldanna og við losnum við næstum allar erlendar skuldir,“ segir Gylfi.

Hann segir að um þriðjung aðilar hafi í upphafi sýnt áhuga á að kaupa Versacold. Þá hefði verið farið yfir hugsanlega kaupendur ásamt tveimur erlendum bönkum.

Þeir sjö sem eru eftir munu gera annað tilboð í fyrirtækið 15. janúar, en hafa fengið sérstaka kynningu á fyrirtækinu í milli-tíðinni.

Versacold-Atlas er stærsta fyrirtæki heims á sínu sviði og



GYLFI SIGFÚSSON

rekur um 130 frystigeymslur í nokkrum heimsálfum.

Eftir því sem Markaðurinn kemst næst gætu fengist á milli 700 og 900 milljónir evra fyrir félagið, eða um 116 til 150 milljarðar króna miðað við núverandi gengi Seðlabankans. Þetta fæst ekki staðfest. Fram kom í Markaðnum í október 2007 að heildararkaupverð Versacold og Atlas, sem síðar voru sameinuð, hefði verið um 1.800 milljónir Kanadadala, eða um 112 milljarðar króna, miðað við gengið þá. Síðan hefur nokkuð af eignum verið selt, líklega fyrir um 500 milljónir Kanadadala.

Tölvunám í viðurkenndum skóla - skráðu þig núna í nám:

Tölvunám vorið 2009

Menntun sem gefur þér forskot



Vertu betri með því að sækja nám í Tölvuskóla Tölvu- og verkfræðipjónustunnar við Grensásveg sem er viðurkenndur af menntamálaráðuneytinu sem einkaskóli á framhaldsskólastigi. Skólinn er elsti tölvuskólinn á Íslandi og nærri 39.000 nemendur hafa sótt tölvumenntun sína til skólans á 23 árum. Nýttu þér tækifærin og skráðu þig strax í skólann sem flestir sækja (yfir 2.000 manns á ári).

Tölvuskóli TV er viðurkenndur af menntamálaráðuneyti og erlendum aðilum til að tryggja hagsmuni nemenda.

Microsoft
CERTIFIED
Partner

PEARSON
VUE
Computer-Based
Testing

PROMETRIC
Testing Centre

Veldu nám sem hentar þér og skráðu þig strax hjá Tölvuskóla TV:

Starfsnáms- og bókhaldsbrautir



Hagnýtt bókhaldsnám

Mjög gagnlegt bókhaldsnám sem ætlað öllum þeim, sem vilja ná góðum tókum á daglegri bókhaldsvinnu, t.d. sjálfstæðum atvinnurekendum og þeim sem ætla að vinna við bókhald. Þátttakendur fá innsýn í alla algengustu þætti daglegrar bókhaldsvinnu og eru tilbúnir að takast á við krefjandi verkefni að loknu námi.

Helstu kennslugreinar

- Fjárhagsbókhald, tölvubókhald, uppgjör og skil á virðisaukaskatti
- Laun, afstemningar, undirbúningur uppgjors og margt fleira

Lengd: 94 stnd./63 klst. Verð: 108.900

Hagnýtt bókhaldsnám II

Framhaldsnámskeið í bókhaldi fyrir þá sem vilja ná dýpri skilningi á flóknari færslum fjárhagsbókhalds og nýta sér betur sérkerfi bókhaldskera til að vinna upplýsingar úr þeim til stjórnunar og endurskoðanda

Nám sem gerir þér kleift að verða betri bókari og geta gengið frá sundurliðunum til skattauppgjors og ársreikningagerðar til uppgjorsaðila eða endurskoðanda

Lengd: 60 stundir/40 klst. Verð: 79.900

Hagnýtt bókhaldsnám I+II: Verð 169.900

Skrifstofu- og tölvunám

Ef þú vilt verða liöttæk(ur) við margskonar skrifstofustörf og vinnu við tölvu þá er þetta hnitmiðaða skrifstofunám það rétta.

Helstu kennslugreinar:

- Tölvugrunnur, Windows, fingrasetning, Internetið, Word, PowerPoint, Outlook, Access og Excel. ECDL próf tekin.
- Almennar viðskiptagreinar og verslunarreikningur

Lengd: 186 stundir/124 klst. Verð: 139.900

Skrifstofu- og bókhaldsnám

Sparaðu og bættu bókhaldi og fleiri greinum við skrifstofu- og tölvunámið.

Lengd: 318 stnd./212 klst. Verð: 229.900

Tölvu- og bókhaldsnám

Einstakt nám fyrir þig ef þú vilt leggja megináherslu á að læra hagnýta tölvunotkun og bókhald. Lærðu það sem þarf til að undirbúa þig undir krefjandi skrifstofustörf, bókhald eða sjálfstæðan atvinnurekstur.

Helstu kennslugreinar

- Upplýsingatækni, Excel, Access, Outlook, PowerPoint og Word
- Fjárhagsbókhald, tölvubókhald, uppgjör og skil á virðisaukaskatti, launamál ofl.
- Tíma- og verkefnastjórnun

Lengd: 270 stnd./180 klst. Verð: 189.900

Almennt tölvunám

Þetta er frábært nám fyrir þá sem hafa litla reynslu af tölvunotkun en vilja fá gott og ítarlegt námskeið um allt það helsta sem gert er með tölvum. Að námskeiði loknu eiga þátttakendur að hafa öðlast sjálfstöðugt við tölvunotkun.

Helstu kennslugreinar

- Grunnur tölvutækni og Windows
- Ritvinnsla með Word og glæruerð með PowerPoint
- Töflureiknirinn Excel
- Internetið frá A til Ö og Outlook, tölvupóstur, dagbók og tengiliðir

Kennd er úrlausn margs konar verkefna á námskeiðinu og áhersla lögð á að þau séu gagnleg og nýtist í vinnu eða heima við.

Lengd: 90 stnd./60 klukkust. Verð: 79.900.

Tölvunám fyrir 50+

Skemmtilegt nám fyrir þá sem hafa ekki ennþá lært á tölvu og eru komnir yfir 50 árin. Námið er miðað við þarfir atvinnulífsins fyrir almenna tölvuþekkingu og hentar jafnt þeim sem þegar hafa stigið sín fyrstu skref í tölvunotkun og hinum sem ekki hafa komið nálægt tölvu áður. Lögð er áhersla á notalegt umhverfi og skemmtilega kennara á námskeiðinu.

Kennslugreinar:

- Grundvallaratriði tölvutækninnar og stýrikerfið Windows.
- Ritvinnsla með Word.
- Töflureiknirinn Excel.
- Internetið og tölvupóstur.
- Stafræn ljósmyndun og myndvinnsla.

Lengd: 72 stundir/48 klst. Verð: 64.900

Tölvuþekking fyrir konur

Einstakt námskeið til að ná færni í notkun tölvu í leik og starfi. Stigið rétta skrefið og lærðu á Windows, ritvinnslu í Word, Excel, Internetið og tölvupóst á skemmtilegu námskeiði í notalegu umhverfi.

Lengd: 60 stundir/40 klst. Verð: 54.900

Stafræn ljósmyndun

Einstakt námskeið þar sem þú lærir að nota stafrænu myndavélina, stilla hana og taka betri myndir. Þú lærir líka að flytja myndirnar inn í tölvuna, laga þær til, prenta, búa til slideshow, færa myndirnar á geisladisk til eignar eða gjafa, allt með forritinu Picasa.

Lengd: 13 stundir/9 klst. Verð: 16.900

Þjóðum einnig námskeið um Picasa og Photoshop Elements fyrir áhugaljósmyndara

Vefhönnun og margmiðlun

Náðu þeirri færni sem þarf til þess að starfa við vefhönnun, vefstjórnun og grafík. Spennandi og skemmtilegt nám.

Helstu kennslugreinar

- Hönnun og skipulag vefja
- HTML forritun
- DreamWeaver vefsíðugerð
- Photoshop myndvinnsla og grafík
- Flash I+II margmiðlun

Lengd: 108 st./72 klst. Verð: 129.900

Vefsíðugerð grunnur

Lærðu grunnatriði í vefsíðugerð með DreamWeaver og Photoshop.

Lengd: 54 stundir/36 klst. Verð: 49.900

Vefur og grafík

Búðu til þitt eigið vefsíðugerðar- og grafík-nám með því að velja eitt eða fleiri námskeið af stundaskrá okkar:

Flash I: 18 st./12 klst. Verð: 27.900

Flash II: 18 st./12 klst. Verð: 27.900

Photoshop I: 27 st./18 klst. Verð: 32.900

Photoshop II: 18 st./12 klst. Verð: 32.900

DreamWeaver: 27 st./18 klst. Verð: 32.900

Veittur er 10% afsláttur af heildarverði pakkans ef tekin eru tvö eða fleiri námskeið saman.

MCITP og MCTS nám



Við bjóðum fjölbreytt MCITP og MCTS nám fyrir þá sem vilja taka að sér umsjón tölvu og neta með því að ljúka námi hjá okkur með alþjóðlegum gráðum frá Microsoft.

MCITP Windows 2008 kerfisstjórn

Námið undirbýr þátttakandann undir það að taka þau próf sem þarf til að verða Microsoft Certified Server Administrator (prófin innifalín). Námið hentar einnig vel þeim sem vilja afla sér þeirrar þekkingar sem þarf til að verða góðir netstjórnarar.

Lengd: 180st./120klst. Verð: 299.000

Skoðuðu www.tv.is til að sjá önnur MCITP og MCTS námskeið sem eru í boði hjá okkur.

Microsoft
CERTIFIED
Partner

Visual C# .NET forritun

Frábært námskeið til að læra á það forritunarmál sem flestir nota. Hnitmiðað og yfirgrípamið mál sem undirbýr þig fyrir krefjandi forritunarverkefni og alþjóðlega þróttöku í forritun.

Lengd: 94 stundir/63 klst. Verð: 159.900

Veldu þetta nám og MCITP nám saman, taktu alþjóðlega viðurkennd próf og útskrifaðu þig sem kerfisfræðing tv.

Hagnýt verkefnastjórnun

Veldu þér nám sem gerir þér kleift að ná betri tókum á verkefnastjórnun með því að beita nútíma aðferðum og ná hámarks árangri við öll verkefni. Lærðu PRINCE2 aðferðafræðina, gerð hugarkorta og notkun MS Project við gerð verkætlanu og stjórnun.

Lengd: 54 st./36 klst. Verð: 99.900

Þjóðum einnig námskeið um PRINCE2 verkefnastjórnun og Microsoft Project.

Gott að vita!

- VR, Efling og flest önnur stéttarfélag styðja félagsmenn sína til náms hjá okkur
- Afsláttur er veittur til félaga í VR, Eflingu og mörgum öðrum félögum, allt að 15%
- 30 daga ókeypis símaþjónusta að loknu námi
- Ókeypis forfallatrygging felur í sér að þú getur bætt þér upp veikindi og forföll, innan árs
- Mjög hagstæðir greiðsluskilmálar og lán til allt að 5 ára (leitið nánari upplýsinga um kjör).

Tölvunám TV til betri verka

– hringdu núna í síma 520 9000

– og skoðuðu www.tv.is til að fá meiri upplýsingar!



TÖLVU- OG VERKFRÆÐIÞJÓNUSTAN
Tölvu- og viðskiptaskóli • Ráðgjafarstofa

www.tv.is

Viðurkenndur einkaskóli á framhaldsskólastigi

Grensásvegi 16 • 108 Reykjavík • Sími 520 9000 • tv@tv.is • www.tv.is

Hugaðu að heilsu og líðan starfsmanna á nýju ári

Heilsuvernd

Trúnaðarlæknir
Heilbrigðisþjónustuver
Læknisskoðanir
Sálfræðiþjónusta
Bólusetningar

Vinnuvernd

Áhættumat
Vinnustaðaúttekt
Líkamsbeiting og líkamlegt álag
Félags- og andlegur aðbúnaður
Vinnuvistfræðileg ráðgjöf

Heilsuefling

Heilsuefling á vinnustað
Heilsufarsmælingar
Heilsufarsmat
Ráðgjöf um næringu
Álags og streitustjórnun



VINNUVERND
vellíðan í vinnu



Mest verslað í Bandaríkjadöllum

Utanríkisverslun með Bandaríkjadal er töluvert meiri en sem nemur viðskiptum við Bandaríkin. Áttatíu prósent útflutnings héðan fer til EES-ríkja. Innflutningur er líka langmestur þaðan. Holland er stærsta útflutningslandið en mest er flutt inn frá Bandaríkjunum. *Ingimar Karl Helgason* leit á tölur um utanríkisverslun.

Hátt í 40 prósent allra útflutningsviðskipta héðan fara fram í Bandaríkjadöllum, samkvæmt tölum Hagstofunnar. Hins vegar er útflutningur til Bandaríkjanna ekki nema brot af því, ríflega fimm prósent útflutnings. Þetta segir í tölum Hagstofunnar fyrir árið 2007, en heildartölur fyrir síðasta ár eru ekki komnar.

Heildarútflutningur þetta ár, á verðlagi þess, voru ríflega 300 milljarðar króna, en flutt var inn fyrir um 400 milljarða.

Ekki eru komnar endanlegar tölur fyrir árið 2008.

MEST SKIPT VIÐ EES

Langmest utanríkisviðskipti eru við ríki Evrópska efnahagssvæðisins (EES). Í heildina fóru alls um 80 prósent alls útflutnings til ríkja EES og þaðan komu um tveir þriðju alls innflutnings árið 2007.

Þegar viðskipti við einstök ríki eru skoðuð kemur í ljós að mest er flutt út til Hollands, síðan Þýskalands en mest er flutt inn frá Bandaríkjunum.

BANDARÍKJADALURINN STÆRSTUR
Vægi Bandaríkjadals er heldur meira í viðskiptum við útlönd en nemur beinum viðskiptum. Samkvæmt Hagstofutölum voru tæp 60 prósent útflutnings í gjaldmiðlum EES-landa árið 2007. Tæp 26 prósent voru í evrum og tvö prósent til viðbótar í dönskum krónum, en hún er tengd evrunni. Um tólf prósent fóru fram í breskum pundum. Viðskipti í Bandaríkjadöllum námu hins vegar 38,1 prósent.

„Nokkuð af verslun við ýmis ríki, til að mynda Asíulönd, er í Bandaríkjadöllum auk þess sem megnið af viðskiptum með ál er í þeim gjaldmiðli,“ segir Katla Gylfadóttir sérfræðingur hjá Hagstofu Íslands.

ÁLINU SIGLT TIL HOLLANDS

Þegar rýnt er í Hagtíðindin sést að verulegur hluti útflutnings til Hollands er ál. Útflutningur til Hollands jókst um 60 prósent milli árána 2006 og 2007. Það skýrist nær eingöngu af auknum útflutningi á áli en einnig kísiljárn.


Það kann að koma á óvart að þetta fari allt til Hollands en skýringin er að enda þótt miklu af þessu sé skipað upp í hollenskri höfn, þá kann það að fara annað síðar. Þegar rýnt er í útflutning til Þýskalands sést að næstum fjórir fimmtu útflutnings þangað eru iðnaðarvörur, að miklu leyti ál. Tólf prósent aukning á útflutningi milli ársins 2007 og ársins á undan, skýrist af aukningu á álútflutningi.

ÁLIÐ TOPPAR FISKINN

Álið hefur farið vaxandi í útflutningi héðan og er nú helsta útflutningsvara Íslands. Fyrstu ellefu mánuði síðasta árs voru flutt héðan hátt í 700 þúsund tonn af áli fyrir 161 milljarð króna rúman. Útflutningurinn á þessu tímabili nam alls 413 milljörðum, svo rétt tæp 40 prósent útflutnings í fyrra voru ál.

Árið á undan var á þessum tíma í heild flutt út fyrir tæpa 280 milljarða. Þar af voru flutt út ríflega 416 tonn af áli fyrir ríflega 75 milljarða króna. Hlutfall álsins var þá um 27 prósent af heildar-

VÆGI GJALDMIÐLA Í UTANRÍKISVIÐSKIPTUM



útflutningi. Álutflutningur hefur því vaxið verulega sem hlutfall af heildarútflutningi.

FISKURINN SAMT MIKILVÆGUR

Fyrstu ellefu mánuði síðasta árs voru flutt út um 620 þúsund tonn af sjávarafurðum fyrir um 150 milljarða króna. Það jafngildir um 36 prósentum af útflutningi. Árið á undan var hlutfall sjávarafurða í útflutningi hærra. Þá voru fyrstu ellefu mánuðina flutt út tæplega 570 þúsund tonn af sjávarafurðum fyrir tæpa 120 milljarða króna. Þá var hlutfallið af heildinni rúm 42 prósent.

INNFLUTNINGUR MESTUR FRÁ EES

Eins og áður var skrifað er mest selt úr landi fyrir Bandaríkjadali. Dæmið lítur hins vegar öðruvísi út þegar lítið er á innflutninginn. Evran er ríkjandi innflutningsmynt og voru tæplega 42 prósent innflutnings í evru árið 2007, samkvæmt Hagtíðindum. Í heildina voru um 72 prósent innflutnings í myntum EES ríkja, þar af tíu prósent frá Danmörku.

Hlutfall Bandaríkjadals í innflutningi er hins vegar ríflega fjórðungur.

Bandaríkin eru hins vegar stærsta einstaka innflutningsland Íslands. Sé miðað við verðmæti innflutningsins komu 13,5 prósent af öllum innflutningi ársins 2007 frá Bandaríkjunum. Mest voru þetta vélar og samgöngutæki.

Næstmest var flutt inn frá Þýskalandi, mest vélar og samgöngutæki. Þriðja stærsta innflutningslandið var Svíþjóð. Eldsneyti var uppistaðan í innflutningi þaðan árið 2007.

Í heildina voru keyptar vörur fyrir 276 milljarða í ríkjum EES, fyrir tæpa 58 milljarða frá Bandaríkjunum, innan við 20 frá Evrópuríkjum utan EES, um 20 milljarðar frá Japan og Kína hvoru um sig og um 30 milljarðar annars staðar frá.

MATURINN KEMUR FRÁ EES

Þegar skoðaður er innflutningur á matvöru kemur í ljós að um 70 prósent koma frá ríkjum EES. Hér er um að ræða vörur líkt og kjötvörur, grænmeti, drykkjavörur og kornvörur svo nokkuð sé nefnt. Sem hlutfall af heildarinnflutningi eru tölurnar þó ekki háar, um sjö prósent og nam reikningurinn innan við þrjátíu milljörðum króna.

Föt og skór voru flutt inn fyrir tæpa þrettán milljarða, tæpur helmingur frá ríkjum EES.

Á sama tíma voru fluttar inn tölur og skrifstofuvélar fyrir 11,5 milljarða, en bensín og olíureikningurinn nam 35 milljörðum. Þar af var keypt fyrir 31 milljarð í ríkjum EES.

Margir gera upp í öðru en krónu

„Hingað hefur borist fjöldi umsókna um að færa bókhaldið í annarri mynt en krónu,“ segir Guðmundur Guðbjarnarson hjá Ársreikningaskrá.

Samkvæmt lögum sem samþykkt voru á Alþingi fyrir jólin gátu fyrirtæki sótt um að færa bókhald sitt í annarri mynt en krónu, til 30. desember, vegna ársins 2008 og ársins í ár. Áður var gert ráð fyrir því að sækja þyrfti um skráningu þremur mánuðum fyrir upphaf reikningsárs.


Guðmundur segir enn of snemmt að veita upplýsingar um fjölda fyrirtækjanna, en segir að flestir sækji um að færa

bókhaldið í evru. Vel á þriðja hundrað fyrirtækja hefur fengið heimild til að færa bókhald í annarri mynt en krónu. Samkvæmt yfirliti sem Guðmundur birti í Tíund í vor, höfðu 112 fyrirtæki heimild til að færa bókhald í Bandaríkjadöllum, 77 með evru og 21 félag færði bókhaldið í breskum pundum. Bókhald er fært í fleiri miðlum, en í grein Guðmundar er nefnt að eitt félag færi bókhaldið í japönskum jenum.

Fram kom í Markaðnum fyrir rúmu ári, að þeir sem þá sóttu um að færa bókhaldið í erlendri mynt, vildu flestir notast við evruna.



GUÐMUNDUR GUÐBJARNARSON Forstöðumaður Ársreikningaskrár segir nú farið yfir umsóknir fyrirtækja um uppgjör í annarri mynt en krónu.



MARKAÐURINN

Sögurnar... tölurnar... fólkíð...

Enn er beðið framtíðarsýnar í peningamálum. Biðtíminn er kostnaðarsamur folki og fyrirtækjum.

Hvað ræður för í vaxtaþíningunni hér?

Óli Kristján Ármannsson

Enn ríkir algjör óvissa um efnahagslega framtíð þjóðarinnar og hvaða stefnu skuli taka til lengri tíma lítið. Fyrirtæki landsins berjast við að halda lífinu í umhverfi gjaldeyrishafta og einhverra hæstu stýrivaxta á byggðu bóli. Engan þarf að undra þótt margir séu orðnir langeygir eftir umhverfi þar sem heimili og fyrirtæki geta gert áætlanir til lengri tíma án öfgasveiflna í gengisþróun og kostnaðar vegna verðbólgukskota.

Í þeim löndum sem við höfum borið okkur saman við hafa stýrivextir sjaldan eða aldrei verið lægri og í hagstjórn er lagt allt kapp á að ekki verði stöðnun í efnahagslífinu. Ein af röksemdum þess að hækka hér stýrivexti í 18 prósent var að fyrirbyggja fjármagnsflotta þegar krónan yrði sett á flot.

Hér er hins vegar enn viðhaldið þrúgandi aðstæðum vaxtaþíningar jafnvel þó svo, líkt og Viðskiptaráð Íslands hefur réttilega bent á, að hátt stýrivaxtastig þjóni „ekki lengur því hlutverki að halda fjármagni inni í hagkerfinu þar sem nýsett gjaldreyrslög fyrirbyggja fjármagnsflutninga að nær öllu leyti“. Viðskiptaráð hefur lagt til að Seðlabankinn fari að fordæmi seðlabanka annarra ríkja og lækki stýrivexti sína til að liðka fyrir aðlögun hagkerfisins.

Atvinnulífið hefur yfir mestallt hávaxtaskeið Seðlabanka Íslands kallað á lægri vexti og undir það ákall er sem fyrr óhætt að taka. Í ljósi atburða síðustu mánaða verður átakanlega ljóst að kröftum Seðlabankans hefði síðustu misseri líkast til verið betur varið í að huga að fjármálastöðugleika og hlutverki sínu sem lánveitandi bankanna til þrautavara en í fyrirfram töpuðum þensluslag í umhverfi þar sem aðgengi að erlendu lánsfjármagni á allt öðrum vöxtum var nánast óheft.

Sú spurning hlýtur því að vakna af hverju stýrivöxtum sé hér haldið jafnháum og raun ber vitni, jafnvel þótt hér hafi verið leidd í lög gjaldreyrshöft, að því er virðist til lengri tíma. Gjaldreyrshöftin gera um leið út um alla von um að hér verði hægt að laða að erlent fjármagn til verka og verði þau viðvarandi er ljóst að hrekjast munu úr landi mörg stöðugustu fyrirtæki þjóðarinnar sem umsvif hafa á alþjóðavísu.

Vonandi er hátt vaxtastig samt vísbending um að gjaldreyrshöft eigi að vera skammvinn, enda þurfi þá enn háa vexti til að draga úr fjármagnsflotta. Um leið er þetta þá vísbending um að á næstu vikum eigi að taka af skarið um hvert skuli stefna í peningamálum þjóðarinnar. Án skýrrar og trúverðugrar stefnu í efnahagsmálum þjóðarinnar er vonlítið að hægt verði að aflétta gjaldreyrshöftum.

En eftir hverju er þá beðið? Verkefnið liggja fyrir (og hafa gert lengi) og stendur upp á fólkíð sem kosið hefur verið til að leiða þjóðina að leysa þau. Þegar fram líða stundir er ekki ólíklegt að fólk furði sig á öllum þeim tíma sem menn leyfa sér að taka í að leysa jafnmikilvæg mál og hversu miklu er hætt til, meðan þess er beðið að leystar verði innanflokksflækjur stjórnmalaflokka. Við aðstæður sem þessar verður að skera á hnúttinn. Ef til vill verður það ekki gert nema að þjóðin fái lýst vilja sínum beint í kosningum og ríður þá á að gera það sem fyrst.

bjorn.ingi@markadurinn.is | ingimar@markadurinn.is | jonab@markadurinn.is | olrik@markadurinn.is

Atvinnuhúsnæði við Smiðjuveg 11 Kópavogi

Þarft þú að lækka húsnæðiskostnaðinn?

Höfum til leigu 120fm, fullbúið ný innréttað skrifstofuhúsnæði.

Ennfremur 200 fm, iðnaðarhúsnæði (lager) með stórum innkeyrsludryrum.

Upplýsingar í síma

565 6621 og 869 2544

Aldrei það kemur til baka

ORÐ Í BELG

Helgi Magnússon
formaður
Samtaka
iðnaðarins.



Varla er tregablandið fyrir Íslendinga að kveðja árið 2008 og vita með vissu að það komi ekki til baka. Margir biðu áramótanna og fögnuðu því að geta kvatt þetta erfiða ár í sögu þjóðarinnar í þeirri von að með nýju ári birtist nýtt upphaf, nýjar vonir, í kjölfar mikilla vonbrigða og efnahagslegra hamfara.

En hvað biður okkar á nýju ári? Um það ríkir mikil óvissa og niðurstaðan mun ráðast af mörgum þáttum. Sumum sem við höfum engin áhrif á og öðrum sem ráðast af því hvort þjóðin verður farsæl eða ekki – hvort mönnum auðnist að taka réttar ákvarðanir varðandi grundvallarhagsmunum.

Nokkrir af helstu fjölmiðlum landsins völdu nú í desember menn ársins í viðskiptalífínu. Markaður Fréttablaðsins, Viðskiptablaðið og Frjáls verslun völdu öll forystumenn úr iðnaði. Ég fagna verðskulduðu vali og óska forvígismönnum Alcans í Straumsvík, Össurar og Maréls til hamingju með valið. Öll eru þessi fyrirtæki í fremstu röð í heiminum og öll byggja þau í ríkum mæli á mannauði og háttækni. Í þessu felst hvatning til þeirra sjálfra svo og annarra í íslenskum iðnaði.

Við finnum að nú er runninn upp tími framleiðslufyrirtækja af öllu tagi þar sem saman fer tækni, vit og markaðssókn. Ég fagna því að það skuli vera viðurkennt. Veljum íslenskt og hröðum með því ferð þjóðarinnar upp úr öldudalnum.

Að undanförunu hafa margir keppt við að fordæma útrás íslenskra fyrirtækja á seinni árum og talað með lítillsvirðingu um þá sem hafa farið fyrir henni. Ég vara við upphrópanakennndri umræðu af þessu tagi. Ég er ekki að verja þau mistök sem gerð hafa verið og varla er deilt um að mörg fyrirtæki fóru offari. En það má ekki gleymast að fjöldi íslenskra fyrirtækja hefur staðið fyrir farsælum fjárfestingum og starfsemi erlendis, bæði á undanförunum árum og einnig á síðustu áratugum. Útrás má því ekki verða skammryrði, hvað þá útflutningur eða samskipti atvinnulífs okkar við útlönd.

Það þarf að greina á milli þess sem vel hefur tekist og er í góðum farvegum og hins sem fór úrskeiðis. Við eigum að læra af mistökunum en ekki síður að læra af öllu hinu sem hefur heppnast með ágætum.

Hagfræðingur Samtaka iðnaðarins hefur unnið línurit sem sýnir hagsveiflur á Íslandi frá árinu 1940 með spá til ársins 2013. (Sjá meðfylgjandi mynd). Þar kemur fram að við erum nú stödd í níundu auðmerkjanlegu niðursveiflunni í íslenskum efnahagsbúskap frá árinu 1940. Við

lifum í sveiflukenndu umhverfi og við föllum nú frá toppi hagsveiflunnar niður á botn. Þetta er ekkert nýtt. Íslendingar hafa reynslu af áföllum í efnahagslífinu. Við höfum ávallt unnið okkur út úr þeim. Það hefur tekið nokkurn tíma – en alltaf tekist. Við erum að því leyti betur búin til að takast á við þessa niðursveiflu en hinar fyrri að atvinnulíf okkar hvílir á mun breiðari grunni en áður. Útflutningur okkar er miklu fjölbreyttari en var t.d. í niðursveiflunni árið 1968 þegar sjávarútvegur bar einn uppi nánast allan útflutning landsmanna.

Við skoðum á þessu línuriti, sem stýðst m.a. við hagspá Alþjóða gjaldeyrissjóðsins til ársins 2013, kemur mér á óvart að niðursveiflan núna skuli ekki vera sú mesta á þessu tímabili, miðað við umrædda spá. Ég átti von á að útlitið væri enn verra en í lok sjöunda áratugarins þegar aflabrestur og verðfall afurða dundu yfir þjóðina. En svo virðist sem landsframleiðsla hafi minnkað meira þá en gert er ráð fyrir núna. Við höfum með öðrum orðum séð það svartara. Þrátt fyrir það eru viðfangsefni núna risavaxin, eins og að endurreisa bankakerfið, ná niður vöxtum, koma stöðugleika á gengi krónunnar, afnema gjaldreyrshöft og takast á við miklar erlendar skuldir.

Mótbyr síðasta árs hefur komið miklum skrið á umræður um framtíð Íslands í Evrópusamstarfi. Á að halda óbreyttri stefnu eða eigum við að sækjast eftir aðild að ESB? Hrun íslensku krónunnar á síðasta ári og háskaleg ofurvaxtastefna Seðlabankans hafa endanlega gert út um möguleika okkar á að halda óbreyttri stefnu. Við höfum þegar tapað dýrmætum tíma – hefðum betur sótt um aðild fyrir áratug. En við því er ekkert annað að gera núna en að draga réttar ályktanir, skilgreina samningsmarkmiðin, framkvæma hagsmunamat og hefja aðildarviðræður hið fyrsta. Íslendingar hafa þegar tekið upp stærstan hlutann af regluverki ESB og hafa verið í miklu samstarfi við sambandið í gegnum EES samninginn. Því má ætla að okkur verði tekið vel og að samningaviðræður taki tiltölulega skamman tíma. Ég er bjartsýnn á góðan árangur okkar og að vel muni takast að gæta grundvallarhagsmuna Íslendinga í slíkum viðræðum.

Mér dettur ekki í hug að halda því fram að ESB aðild sé allra meina bót og leysi bráðavanda okkar. Því er almennt ekki haldið fram en stundum notað sem útúrsmúningur af þeim sem eru andvígir aðild og telja að Íslendingar hafi afl og getu til að standa einir og óstuddir með ónýta krónu til framtíðar. Við getum það ekki. Árið 2008 ætti að hafa kennt okkur það. Tilraunin með krónuna er fullreynð. Hún mistókst.

Ég vísa í nýlega grein eftir Benedikt Jóhannesson, tryggingarstærðfræðing, en ég er sammála meginniðurstöðum hans í þeirri grein:

„Það hefði ekki forðað íslensku bönkunum frá þroti þó að gjaldmiðill okkar hefði verið evra. En það hefði hins vegar forðað fjölda heimila og fyrirtækja frá því að fara í þrot. Kostirnir eru miklir: 1. Verðbólga væri 3-4% en ekki 18-19%. 2. Vextir væru 2-8%. Ekki 18-26%. 3. Lán sem fólk tók í fyrra hefðu ekki tvöfaldast sem hlutfall af launum. 4. Viðskipti við útlönd væru eðlileg. 5. Útlendingar þyrftu ekki að vera hræddir við að festa fé á Íslandi.“

Það munar um minna! Í allri umræðu um vanda Íslendinga og leiðir til úrbóta, má aldrei gleymast það grunnatriði að við náum árangri ef okkur tekst að auka verðmætasköpun í atvinnulífínu – annars ekki. Batinn hefst með verðmætasköpun atvinnulífsins. Hann næst ekki með þenslu í opinbera búskapnum. Um þetta má ekki ríkja neinn misskilningur.

Samhliða óhjákvæmilegum kerfislagfæringum og endurbótum, þarf að nýta öll tækifæri þjóðarinnar til atvinnuuppbyggingar. Í iðnaði gildir einu hvort um er að ræða stóriðju, háttækni, sprotafyrirtæki, verksmiðjuiðnað, mannvirkjagerð eða handverk. Það þarf að efla alla þess þætti og gera allt sem unnt er til að greiða götu hraðvirkjar uppbyggingar. Í sjávarútvegi standa vonir til að unnt verði að auka aflaheimildir verulega. Ferðahjónusta hefur aldrei verið öflugri og landbúnaður hefur nú tækifæri til að sanna enn á ný mikilvægi innlendirar matvælaframleiðslu.

Það kann einnig að vera að við þurfum nú að fara óhefðbundnar leiðir til vaxtar og verðmætasköpunar á Íslandi. Við eigum að vera óhrædd að leita þeirra og finna djarfar lausnir.


Árið 2009 mun einkennast af erfiðum tímum og þess vegna atvinnuþreffi, eins og segir í kvæðinu.

Taki stjórnvöld, stjórnmalaflokkar, samtök atvinnurekenda og verkálýðshreyfingin réttar ákvarðanir trúu ég því að við komumst hraðar upp úr öldudalnum en flestir gera nú ráð fyrir.

Verði hins vegar áfram haldið úti skadlegri peningamála- og vaxtastefnu, gjaldeyrishöftum og kjarkleysi gagnvart Evrópusambandsaðild, þá mun hagur fólks og fyrirtækja halda áfram að versna.

Við munum ekki snúa óhagstæðri þróun á Íslandi við með upphrópunum og mótmælum. Enn síður með ofbeldi og skemmdarverkum og alls ekki með illkvittni og niðurrifi sjálfskipaðra álitsgjafa og meintra sérfræðinga. Mikilvægt er að fjölmiðlar átti sig á þessu. Hjá þeim þyrfti að verða hugarfarsbreyting og meiri stuðningur við lýðræðislega réttkjörin stjórnvöld – en minni áhugi á sívaxandi tilburðum skrflræðis-aflanna.

Hagsveiflur á Íslandi 1940-2013
mælt sem frávik frá langtímaleitni landsframleiðslu



ÚTGÁFUFLAG: 365 miðlar ehf. RITSTJÓRAR: Björn Ingi Hrafnsson og Óli Kr. Ármannsson RITSTJÓRN: Ingimar Karl Helgason, Jón Aðalsteinn Bergsveinsson AUGLÝSINGASTJÓRI: Jón Laufdal RITSTJÓRN OG AUGLÝSINGAR: Skafthlíð 24, 105 Reykjavík. ADALSÍMI: 512 5000 SÍMBRÉF: 512 5301 NETFÖNG: ritstjorn@markadurinn.is og auglysingar@markadurinn.is VEFFANG: visir.is UMBROT: 365 miðlar ehf. PRENTVINNSLA: Ísafoldarprentsmiðja ehf. DREIFING: Pósthúsið ehf. dreifing@posthusid.is Markaðinum er dreift ókeypis með Fréttablaðinu á heimili á höfuðborgarsvæðinu, Suðurnesjum og Akureyri. Einnig er hægt að fá blaðið í völdum verslunum á landsbyggðinni. Markaðurinn áskilur sér rétt til að birta allt efni blaðsins í stafrænu formi og í gagnaböndum án endurgjalds.



HEFUR ÞÚ ORÐIÐ VITNI AÐ GÓÐVERKI?

ÓSKAÐ ER EFTIR TILNEFNINGUM TIL SAMFÉLAGSVERÐLAUNA FRÉTTABLAÐSINS 2009

Til greina koma allir sem hafa lagt sitt af mörkum til að bæta íslenskt samfélag. Skorað er á lesendur Fréttablaðsins að senda inn tilnefningar um fólk og félagasamtök sem eiga skilið virðingavott fyrir verk sín. Allir koma til greina, jafnt óþekktir einstaklingar sem vinna störf sín í hljóði, félagasamtök eða þjóðþekktir karlar og konur sem hafa með gjörðum sínum og framgöngu verið öðrum fyrirmynd.

Samfélagsverðlaunin eru veitt í fimm flokkum.

1) Hvunndagshetjan

Einstaklingur sem sýnt hefur sérstaka óeigingirni eða hugrekki, hvort sem er í tengslum við einn atburð eða með vinnu að ákveðnum málaflokki í lengri tíma.

2) Frá kynslóð til kynslóðar

Hér koma til greina kennarar, leiðbeinendur, þjálfarar eða aðrir uppfræðarar sem skarað hafa fram úr á einhvern hátt. Einnig koma til greina félagasamtök sem sinna börnum af sérstökum metnaði og alúð.

3) Til atlögu gegn fordómum

Einstaklingur eða félagasamtök sem hafa unnið ötullega að því að eyða fordómum í samfélaginu.

4) Heiðursverðlaun

Einstaklingur sem með ævistarfi sínu hefur stuðlað að betra samfélagi.

5) Samfélagsverðlaunin

Félagasamtök sem hafa unnið framúrskarandi mannúðar- eða náttúruverndarstarf og lagt sitt af mörkum til að gera íslenskt samfélag betra fyrir okkur öll.

Sendið tilnefningar á hleknum Samfélagsverðlaun Fréttablaðsins á visir.is/samfelagsverdlaun með tölvupósti á netfangið samfelagsverdlaun@frettabladid.is, eða bréfleiðis merkt Samfélagsverðlaun Fréttablaðsins, Skaftahlíð 24, 105 Reykjavík. Dómnefnd tekur allar innsendar tillögur til skoðunar. Samfélagsverðlaun Fréttablaðsins verða veitt í febrúar.

Frestur til að senda tilnefningar er til hádegis mánudaginn 26. janúar.

SAMFÉLAGSVERÐLAUN
FRÉTTABLAÐIÐ

BANKHÓLFID

Simbabve norðursins

„Fjármálasvindl Bernie Madoffs blikna í samanburði við þá glæpi og spillingu sem blómstrað hafa í tíð sjálfstæðismanna,“ segir Íris Erlingsdóttir, fjölmiðlafræðingur og nálastungulæknir, á bandaríska vefmiðlinum Huffington Post í gær. Í pistlinum fer Íris yfir hremmingar í íslensku efnahagslífi og bankahrundi í október á síðasta ári og mikla hlutfallslega aukningu á atvinnuleysi í kjölfarið. Þá leggur hún þá Davíð Oddsson seðlabankastjóra og Geir H. Haarde forsætisráðherra að jöfnu við einræðisherrann Robert Mugabe, forseta Afríkúríkisins Simbabve.



Hátt fall

Þetta er í annað sinn á tiltölulega stuttum tíma sem Íslandi er líkt við Simbabve. Breska vikuritið Economist benti á það um áramótin að þótt hagvöxtur í Simbabve yrði neikvæður um fimm prósent á þessu ári væri það tvöfalt betra en hér á sama tíma. Erlendir fjölmiðlar, svo sem norska dagblaðið Aftenposten, tók málið upp í síðustu viku. Gylfi Magnússon, dósent við Háskóla Íslands, sagði í samtali við Fréttablaðið um helgina, fáu við að líkja þar sem Ísland hafi úr háum söðli að detta. Því sé ekki að skipta um Simbabve, sem hafi glímt við efnahagskreppu og gríðarmikið atvinnuleysi í áraraðir. Er þá ótalin ógnarstjórn Mugabes sem verið hefur við völd í Afríkúríkinu í tæp þrjátíu ár.

Sigurjón kennir

Sigurjón Þ. Árnason, fyrrverandi bankastjóri Landsbankans, hefur tekið að sér stundakennslu við tækni- og verkfræðideild Háskólans í Reykjavík.

Sigurjón hefur kennt áður, meðal annars við Háskólann í Reykjavík, en hann hefur nú tekið að sér að kenna innangsnámskeið í fjármála- og verkfræði.

Sigurjón er einmitt verkfræðingur sjálfur, nam véla- og verkfræði á sínum tíma í Háskólunum.



60

prósenta fækkun varð á kaupsamningum í fasteignaviðskiptum á nýliðnu ári miðað við árið 2007, samkvæmt tölum Fasteignamatsskisins.

1.000

er upphafsgildi nýrrar OMX16 hlutabréfavisitölu Kauphallarinnar sem gildi tók um áramót. Í gær endaði hún í 981,46 stigum.

6.000

hafa misst vinnuna frá því að íslenska bankakerfið hrundi í haust, samkvæmt umfjöllun Greiningar Glitnis.

ÁHEYRNARPRUFUR FARA FRAM Á LAUGARDAGINN

Laugardaginn, 10. janúar kl. 08:00, fara fram á Hótel Hilton Reykjavík Nordica áheyrnarprufur fyrir Idol Stjörnuleit 2009 - aðeins þennan eina dag! Þátttakendur skulu vera orðnir 16 ára gamlir og ekki eldri en 28 ára.

Vinningshafi Idol Stjörnuleitar öðlast ekki aðeins frægð og frama heldur fær hann einnig að launum 2 milljónir króna.

Idol Stjörnuleit hefst á Stöð 2 föstudaginn 13. febrúar.

SKRÁÐU ÞIG NÚNA Á VISIR.IS

skemmtilegri

5125050

Auglýsingasími

FRÉTTABLAÐIÐ

- Mest lesið